



09. April 2019

UPA 2019/179

Atassut

Aqqaluk Heilmann

**Qinnuteqartoqartillugu qinnuteqartup qinnuteqarneraniit ullut qulit qaangiunneranni qinnuteqartoq allamik naluaarfigineqarsimanngippat qinnutigineqartup inatsisitigut akuerineqartutut isigineqartalernissaa anguniarlugu Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaanni § 6 imm. 3 allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut (Inatsisartunut ilaasortat Randi Vestergaard Evaldsen aamma Justus Hansen, Demokraatit**

Atassummiit siunnersuuteqartumut qujavugut.

Nunatta iluani sulisussaqaarniarnikkut piffiit ilaatigut ajornartorsiuteqarsinnaasarpugut apeqqutaalluni suna suliassaq pineqarnersoq atorfilluunniit.

Ilu Moorpoq suli kalaallit ilinniagaqarsimanngitsut qaffasissumillu ilinniagaqarsimasut ikigineqarsinnaammata inuttussutsimut sanilliullugu.

Nunattalu ineriartornerani sanaartugassat pineqartillugit piffiit ilaanni suliassani angisuuni akisussaasutut tigumminnissinnaasut amingaatisarpagut.

Taamaattumik siunnersuutigineqartoq sulisussanik qinnuteqartarnermi qinnuteqaat suli akineqarani ullut qulit anguneqartillugit tamanna akuerineqarnertut isigineqarsinnaanera tunngaviatigut tapersernaraluartoq taamaattoq suli allanik nalilersorneqarsinnaasunik qulakkeeqqaarniagassaqaarsinnaaneq peqqissaarullugu misissuiffigeqqaartariaqarpoq.

Kiisalu piunasaqaataasinnaasut ersarissumik aamma allanneqarsimasariaqarlutik, tassani pissutaavoq nunatta iluani annertuumik sulinikkut tunngavisseeqataasussaammat.

Siunnersuut tunngaviatigut isumaqatiginaraluartoq, kisianni peqqissaarullugu suliarineqarnissaa siunnerfigigatsigu naalakkersuisup innersuussinera akueralugu Inatsisartuni ilaasortap demokraatineersup Randi Vestergaard Evaldsen-ip Justus Hansen-illu siunnersuutaat akuerinnigilarput.